

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA SREBRENİK
-Općinski načelnik-**

Broj: 07-1288-10/16

Datum, 17. 05. 2016. godine

Općinski načelnik općine Srebrenik na osnovu člana 68. stav (1), i člana 72. stav (3), tačka b), Zakona o javnim nabavkama Bosne i Hercegovine («Službeni glasnik BiH», broj: 39/14) i čl. 38. i 118. Statuta općine Srebrenik („Službeni glasnik općine Srebrenik“, broj: 1/08), d o n o s i:

ODLUKU

I

O d b a c u j e se ponuda ponuđača **INTERTRANS-KOMERC MUSIĆ DOO Srebrenik** kao neprihvatljiva u postupku javne nabavke **Izvođenje radova na sanaciji i podizanju visine nasipa na koritu rijeke Tinje uzvodno od mosta za gradski stadion u Srebreniku**, broj: 07-1288-2/16 od 16. 03. 2016. godine, objavljenom na Portalu javnih nabavki, obavještenje o nabavci br. 761-1-3-36-3-13/16 od 18. 03. 2016. godine, ispravci za obavještenje o nabavci broj: 761-1-3-36-8-14/16 od 22.03.2016. godine i "Službenom glasniku BiH" broj: 21/16 od 25. 03. 2016. godine.

II

D o d j e l j u j e se ugovor ponuđaču **JATA GROUP DOO Srebrenik**, u ukupnom iznosu od **23.173,99 KM (sa PDV-om)**.

III

Ponuđač **JATA GROUP DOO Srebrenik** je dužan u roku od **7 dana** od dana prijema ove odluke, dostaviti dokaze po članu 45. stav (2) Zakona o javnim nabavkama i original (ovjerena kopija) izvještaja centralne banke.

IV

Stavlja se van snage Odluka broj: 07-1288-7/16 od 04. 05. 2016. godine.

V

Ova odluka objavit će se na web-stranici **www.srebrenik.ba** istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

OBRAZLOŽENJE

Na osnovu otvorenog postupka broj: 07-1288-2/16 od 16. 03. 2016. godine, objavljenom na Portalu javnih nabavki, obavještenje o nabavci br. 761-1-3-36-3-13/16 od 18. 03. 2016. godine, ispravci za obavještenje o nabavci broj: 761-1-3-36-8-14/16 od 22.03.2016. godine i "Službenom glasniku BiH" broj: 21/16 od 25. 03. 2016. godine, proveden je postupak prikupljanja ponuda za javnu nabavku **Izvođenje radova na sanaciji i podizanju visine nasipa na koritu rijeke Tinje uzvodno od mosta za gradski stadion u Srebreniku**.

Ponude po otvorenom postupku za predmetnu nabavku su dostavili sljedeći ponuđači:

1. "GRAMAT" DOO Gračanica, u ukupnom iznosu od 16.936,04 KM bez PDV-a,
2. INTERTRANS-KOMERC MUSIĆ DOO Srebrenik, u ukupnom iznosu od 17.996,41 KM bez PDV-a. i
3. JATA GROUP DOO Srebrenik, u ukupnom iznosu od 19.806,83 KM bez PDV-a.

Pregledanjem ponuda ponuđača **"GRAMAT" DOO Gračanica, INTERTRANS-KOMERC MUSIĆ DOO Srebrenik i JATA GROUP DOO Srebrenik**, Komisija je u zapisniku o pregledu i

ocjeni ponuda broj: 07-1288-3/16 od 18. 04. 2016. godine konstatovala da su ponuđači dostavili sve tražene dokaze koji zadovoljavaju zahtijevane kvalifikacione uslove, te je u istom predložila Općinskom načelniku da donese Odluku o izboru najpovoljnijeg ponuđača broj: 07-1288-4/16 od 19. 04. 2016. godine.

U tački II dispozitiva predmetne Odluke o izboru najpovoljnijeg ponuđača je stajalo da je Ponuđač dužan u roku koji je određen u dispozitivu odluke o izboru, dostaviti dokaze po članu 45. stav (2) Zakona o javnim nabavkama i original (ovjerena kopija) izvještaja Centralne banke.

Ponuđač "**GRAMAT**" **DOO Gračanica** je dostavio dokaze koji su protokolirani pod brojem Ugovornog organa 07-1288/16 od 26.04.2016. godine u kojima je ponuđač dostavio i ovjerenu kopiju uvjerenja o činjenicama iz službene evidencije **Općinskog suda u Tuzli** broj: 032-0-Su-2-16-000457 od 09.03.2016. godine kojim je provjerom kroz CMS-bazu podataka utvrđeno da **pred ovim sudom** za GRAMAT DOO Gračanica u krivičnom postupku nije izrečena pravosnažna presuda kojom je osuđeno za krivično djelo učešća u kriminalnoj organizaciji, za korupciju, prevaru ili pranje novca.

U tački 12. predmetne tenderske dokumentacije (lična sposobnost), pod 2.2. propisano je da će izabrani ponuđač dostaviti dokaze o ispunjavanju uslova u roku od 7 dana, od dana zaprimanja odluke o izboru najpovoljnijeg ponuđača. Dokazi koje dostavlja ponuđač ne mogu biti stariji od tri mjeseca, računajući na dan predaje ponuda. Također, ponuđač je dužan, a kako je propisano u tački 13.2. tenderske dokumentacije, u roku od 7 dana, od dana prijema odluke o izboru najpovoljnijeg ponuđača, dostaviti original izvještaj centralne banke (može ovjerena kopija), u suprotnom, ugovor će se dodijeliti drugorangiranom ponuđaču.

U članu 45. stav (2) tačka a) Zakona o javnim nabavkama BiH ("Službeni glasnik BiH", broj: 39/14), propisano je da ponuđač kojem bude dodijeljen ugovor obavezan je dostaviti "uvjerenje nadležnog suda kojim dokazuje da u krivičnom postupku nije izrečena pravosnažna presuda kojom je osuđen za krivično djelo učešća u kriminalnoj organizaciji, za korupciju, prevaru ili pranje novca".

Ugovorni organ je u tenderskoj dokumentaciji tražio da se dostavi **potvrda Suda Bosne i Hercegovine** kojom ponuđač dokazuje da u krivičnom postupku nije izrečena pravosnažna presuda kojom je osuđen za krivično djelo učešća u kriminalnoj organizaciji, za korupciju, prevaru ili pranje novca". Ponuđač GRAMAT DOO Gračanica nije dostavio potvrdu Suda Bosne i Hercegovine kako je Ugovorni organ tražio u tački 12. pod 2.2. predmetne tenderske dokumentacije, već je dostavio ovjerenu kopiju uvjerenja o činjenicama iz službene evidencije **Općinskog suda u Tuzli**.

Komisija za javne nabavke, nakon što je pregledala dokaze koje je dostavio ponuđač **GRAMAT DOO Gračanica**, je konstatovala u zapisniku broj: 07-1288-6/16 od 04.05.2016. godine da je ponuđač propustio dostaviti dokaz iz člana 45. stav 2 tačka a) Zakona o javnim nabavkama, i tačke 12. pod 2.2. a) tenderske dokumentacije.

U skladu sa gore navedenim, te u skladu sa članom 68. stav (1) Zakona o javnim nabavkama, Komisija je predložila Općinskom načelniku da se ponuda ponuđača **GRAMAT DOO Gračanica** odbaci kao neprihvatljiva i stavi van snage Odluka o izboru najpovoljnijeg ponuđača broj: 07-1288-4/16 od 19. 04. 2016. godine., i da se u skladu sa članom 72 stav 3. tačka b) Zakona o javnim nabavkama dodijeli ugovor drugorangiranom ponuđaču **INTERTRANS-KOMERC MUSIĆ DOO Srebrenik** u iznosu od **21.055,80 KM sa PDV-om**, s tim, da je u tački III Odluke broj: 07-1288-7/16 od 04.05.2016. godine propisano da je drugorangirani ponuđač dužan u roku od **7 dana** od dana prijema ove odluke, dostaviti dokaze po članu 45. stav (2) Zakona o javnim nabavkama i original (ovjerena kopija) izvještaja centralne banke.

Drugorangirani ponuđač **INTERTRANS-KOMERC MUSIĆ DOO Srebrenik** je dostavio dokaze koji su protokolirani pod našim brojem 07-1288-2/16 od 13.05.2016. godine.

U dokumentaciji koja je dostavljena, ponuđač je dostavio ovjerenu kopiju uvjerenja Uprave za indirektno oporezivanje, Regionalni centar Tuzla broj: 02/6/IV-16-11-77-2295-1 od 11.05.2016. godine, kojim se potvrđuje da **INTERTRANS-KOMERC MUSIĆ DOO Srebrenik** na dan **15.04.2016.** godine **IMA** dospjelih, a neizmirenih obaveza po osnovu indirektnih poreza, ostalih prihoda i taksi

Komisija za javne nabavke, nakon što je pregledala dokaze koje je dostavio ponuđač INTERTRANS-KOMERC MUSIĆ DOO Srebrenik je konstatovala da je ponuđač propustio dostaviti dokaz koji je bio uslov za potpisivanje ugovora iz člana 45. stav 2 tačka d) Zakona o javnim nabavkama, i tačke 12. pod 2.2. d) tenderske dokumentacije, te predlaže Ugovornom organu da se ponuda ponuđača INTERTRANS-KOMERC MUSIĆ DOO Srebrenik u skladu sa članom 68, stav 1. Zakona o javnim nabavkama BiH odbaci kao neprihvatljiva.

Komisija predlaže Ugovornom organu da u skladu sa članom 72 stav 3. tačka b) Zakona o javnim nabavkama dodijeli ugovor ponuđaču **JATA GROUP DOO Srebrenik** u ukupnom iznosu od **23.173,99 KM sa PDV-om** čija je ponuda po rang-listi odmah nakon ponude ponuđača INTERTRANS-KOMERC MUSIĆ DOO Srebrenik, te da stavi van snage odluku broj: 07-1288-7/16 od 04. 05. 2016. godine, a što je i prihvaćeno.

POUKA O PRAVNOM LIJEKU:

Protiv ove odluke može se izjaviti žalba u roku od 10 (deset) dana od dana prijema odluke.

Žalba se izjavljuje ugovornom organu u pisanoj formi direktno, ili preporučenom poštanskom pošiljkom. Žalba se podnosi u najmanje tri primjerka.

Dostavljeno:

1. Ponuđačima 3x,
- ② Evidenciji,
3. Arhivi.

OPĆINSKI NAČELNIK

Dr.sci. Nihad Omerović